

ԱԶԴ

Հեռացրեք նրան Աստծո սեղանից,
Որ չապականե մեր սրբությունը,
Ազատ պահեցեք անսուրբ բերանից
Վարդանի պաշտած Աստծո անունը:

5 Ավարարությունք զորացած բազկով
Թող նա չըկրե մականը Մեծի
Եվ շահախնդիր, կաշառված խոսքով
Կանգնի քարոզիչ փրկության գործի:

Թող չըկատարեն հաշտ ու պատարագ
10 Սեղանակապուտ, անարժան ձեռքեր,
Ոչ նվիրական կամարների տակ
Անզգա սրտից վերանան երգեր:

Եվ Թող քարկոծվի, ով որ անգիտակ
Մարդկային կյանքի վսեմ խորհրդին,
15 Կըհամարձակվի Հայոց հարկի տակ
Քարոզել – հովվել այս ժողովրդին: